



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

Երևան-0015, Մ.Խորենացու 3, 7

14.06.2023թ

ՈՐՈՇՈՒՄ ԹԻՎ 286-2023/05-Կ
ՎԱՐՉԱԿԱՆ ԻՐԱՎԱՆԱԽՏՄԱՆ ԳՈՐԾԸ ԿԱՐՃԵԼՈՒ ՎԵՐԱԲԵՐՅԱԼ

ՀՀ պետական եկամուտների կոմիտեի նախագահի տեղակալ Կարեն Թամազյանս՝ քննելով 02.05.2023 թվականին կազմված «Հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու վերաբերյալ» արձանագրության հիման վրա 22.05.2023թ-ին հարուցված վարչական վարույթը, ուսումնասիրելով 09.06.2023 թվականի թիվ 286-2023/05-Ա վարչական իրավախախտման գործի վերաբերյալ արձանագրությունը և վարույթի նյութերը՝

ՊԱՐԶԵՑԻ

«Հարկ վճարողի գույքի վրա արգելանք դնելու մասին» ՀՀ պետական եկամուտների կոմիտեի նախագահի 15.02.2023թ-ի թիվ ԱՀ 102983 հանձնարարագրի հիման վրա 16.02.2023թ-ին արգելանք է կիրառվել «ԿԱՇՎԵ ԳԱԼԱՆՏԵՐԵԱՅԻ ՖԱԲՐԻԿԱ» ՍՊԸ-ի /ՀՎՀՀ՝ 00806243/ բանկային հաշիվներում առկա դրամական միջոցների վրա 110.996.637 դրամ գումարի չափով: Բանկային հաշիվներում առկա դրամական միջոցների անբավարարության /կամ բացակայության/ հիմքով 14.03.2023թ-ի թիվ 102983/1 որոշմամբ արգելանք է կիրառվել դրամարկղում առկա կանխիկ դրամական միջոցների վրա՝ 112.126.807 դրամ գումարի չափով, 10.04.2023թ-ի թիվ 102983/2 որոշմամբ արգելանք է կիրառվել արգելանքի ենթակա այլ գույքի վրա՝ 113.311.116 դրամ գումարի չափով:

Հարկ վճարողի գույքի վրա արգելանք դնող պաշտոնատար անձի կողմից 17.04.2023թ-ին հարկ վճարողին ուղարկվել է գրություն /LO108955812AM/, համաձայն որի պահանջվել է գրությունը ստանալուց հետո եռօրյա ժամկետում ներկայացնել հարկ վճարողի դրամարկղում առկա կանխիկ դրամական միջոցների և այլ գույքի գույքագրման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով տեղեկություններ, այդ թվում՝ նաև դրամարկղային գիրքը: Նշված գրությունը Տիգրան Սարգսյանի կողմից ստացվել է 19.04.2023թ-ին, սակայն վերջինս չի ներկայացրել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Վերը նշվածի հիման վրա հարկ վճարողի գույքի վրա արգելանք դնող պաշտոնատար անձի կողմից 02.05.2023թ-ին կազմվել է արձանագրություն՝ իր իրավասությունների սահմաններում գործողությունների կատարմանը խոչընդոտելու վերաբերյալ:

«ԿԱՇՎԵ ԳԱԼԱՆՏԵՐԵԱՅԻ ՖԱԲՐԻԿԱ» ՍՊԸ-ի /ՀՎՀՀ՝ 00806243/ տնօրեն՝ Տիգրան Սարգսյանի /ՀԾՀ՝ 3607690251, ԱՆՁՆ՝ AT0485832, տրված՝ 23.10.2019թ-ին, 012-ի կողմից, հասցե՝ ք. Երևան, Աջափնյակ, Բաշինջաղյան փ, 1692 34/ կողմից վերը նկարագրված արարքների համար պատասխանատվություն է նախատեսված վարչական իրավախախտումների վերաբերյալ ՀՀ օրենսգրքի 182.6 հոդվածով:

Փաստի կապակցությամբ 22.05.2023թ-ին հարուցվել է վարչական վարույթ, համաձայն որի «ԿԱՇՎԵ ԳԱԼԱՆՏԵՐԵԱՅԻ ՖԱՐՐԻԿԱ» ՍՊԸ-ի /ՀՎՀՀ՝ 00806243/ տնօրեն՝ Տիգրան Սարգսյանը հրավիրվել է 2023թ-ի հունիսի 09-ին ժամը 12:30-ին անձը հաստատող փաստաթղթերով ներկայանալ ՀՀ պետական եկամուտների կոմիտե՝ վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու նպատակով:

22.05.2023թ-ի ծանուցագիրը փոստային ծառայության միջոցով 25.05.2023թ-ին ուղարկվել է Տիգրան Սարգսյանին և ստացվել նրա կողմից՝ 30.05.2023թ-ին:

09.06.2023թ-ին «ԿԱՇՎԵ ԳԱԼԱՆՏԵՐԵԱՅԻ ՖԱՐՐԻԿԱ» ՍՊԸ-ի /ՀՎՀՀ՝ 00806243/ տնօրեն՝ Տիգրան Սարգսյանը ներկայացել է վարչական իրավախախտման վերաբերյալ արձանագրության կազմմանը և նյութերի նախապատրաստմանը, ներկայացրել է հայտարարություն, համաձայն որի հայտնել է, որ պարտավորությունները չվճարելու պատճառը կադաստրի կոմիտեի դեմ դատական պրոցեսներն են, որոնց ավարտվելուն պես ընկերության չկատարված պարտավորությունները կմարվեն ամբողջությամբ: Ի լրումն 09.06.2023թ-ի հայտարարության, 14.06.2023թ-ին ներկայացել է և հայտնել է, որ ընկերության դրամարկղային գիրքը կորցրել են, սակայն պարտավորվում են ստանալ նորը: Այսինքն, գիրքը կորցրած լինելու պայմաններում, չէր կարող ներկայացվել:

Հիմք ընդունելով ամբողջ վերոգրյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի «բ» կետով, ՀՀ վարչական իրավախախտումների վերաբերյալ օրենսգրքի 247-րդ հոդվածի 1-ին մասով, 244², 281 հոդվածներով և 282 հոդվածի 1-ին մասով՝

ՈՐՈՇԵՑԻ

Համաձայն «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի «բ» կետի և Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին կետի, «ԿԱՇՎԵ ԳԱԼԱՆՏԵՐԵԱՅԻ ՖԱՐՐԻԿԱ» ՍՊԸ-ի /ՀՎՀՀ՝ 00806243/ տնօրեն Տիգրան Սարգսյանի նկատմամբ հարուցված վարչական վարույթը կարճել:



Ծանոթություն. Սույն վարչական ակտն ընդունված է համարվում ստորագրվելու օրվանից, ուժի մեջ է մտնում հասցեատիրոջն իրազեկելուն հաջորդող օրվանից և ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով: